


V C
2030





L. 20, 47. Nr. 20 (47)

V c
2030

Von Christlich Ge-
bet/darin der Churfürst von Sach-
sen zc. Seine vnschuld /jetziges Kriegs/ vor Gott
vnd aller Welt bekendt / Aus dem Siebenden
psalm genommen.



M. D. xlvj.

257

1849

Faint, illegible text, possibly bleed-through from the reverse side of the page.



BIBLIOTHECA
PONICKAVIANKA

UNIVERSITÄTS-BIBLIOTHEK
HALLE
(SAALE)



Wein lieber Leser/ Dieweil dis
ein Christlich gut Gebet ist/ nach der form
vnd art des Sibenden Psalms gemacht/ vnd mei-
nes Gnedigsten Herrn des Churfürsten zu Sach-
ssen zc. vnschuld klerlich anzeiget/ Dabe ich es wie-
derumb wöllen Drucken lassen/ auff das doch vn-
ser Widderfacher sehen vnd hören/ wie gros vn-
recht sie seiner C. F. G. thun/ wenn sie so vbel vnd
böses von im reden/ Denn man weis ihe von kei-
nem vngehorsam/ denn das seine Chur. G. keine
Wesspfaffen noch Mönche in seinem Landen lei-
den will/ das weis ich fürwar/ Derhalben alle die
in hassen/ verlassen oder wider seine Chur. G. et-
was thun oder fürnemen/ die sollen wissen/ das sie
mit Keyser vnd Papst nicht allein wider Gott vñ
sein heiliges Wort thun/ dasselbige hassen vnd ver-
folgen/ sondern dazu wider sich selbst/ vnd jr eygen
Vaterland handeln/ Den seine C. F. G. sicht/ streyt
vnd kempfft für Gottes Wort vnd freyheit Dend-
scher Nation/ das ist ihe gewis vnd offenbar/ aus
des Papsts eygen Briuen vnd Bünd-
nus/ so er zwischen dem
Keyser vnd im auff-
gericht hat/ zc.

**Nicolaus Amsdorff Bis-
choff zur Naumburg.**



Auf dich
 DER traw
 ich/mein Gott/Diſf
 mir von allen mei-
 nen Verfolgern/vnd
 errette mich.

Das ſie nicht wie
 Löwen/meine See-
 le erhaſſchen/vnd zu
 reiſſen/weil kein Er-
 retter da iſt.

DER mein
 Gott/hab ich ſolch-

es gethan / Wie Keyſer vnd Papſt mich beſchül-
 digen / Ich verſechte vnrechte Eere / vnd wölle
 den ſchuldigen gehorſam nicht leyſten.

Dabe ich böſes vergolten / denen die mich zu
 frieden lieſſen / vnd bin zu dieſem fürnemen nicht
 gedrungen.

So verfolge mein Feind meine Seele / vnd er-
 greiffe ſie / Vnd trette mein Leben zu boden / vnd le-
 ge meine Ehre / Land vnd Leute / vnd alles was
 du mir geben haſt / inn den ſtaub.

Aber mein Gott / du erkennſt beyder teil Der-
 tzen / Darumb ſtehe auff DER in deinem zorn /
 Erhebe dich vber den grimm meiner Feinde / Vnd
 hilff mir wider inn das Ampt / das du mir befol-
 hen haſt.

Das ich inn meinem Land / bey meinen Un-
 terthanen im friede bleiben / vnd ſie ſich zu dir ſam-
 len / dein

ten/dein Wort hören/deinen Namen anruffen/ire
Kindlin vnd Weiser nach deinem willen ziehen
vnd regieren mögen / Vmb der selben willen kom
empor / vnd las dich sehen/das du stercker seyest/
denn vnser Feinde.

Ist doch sonst lieber Gott in der weiten Welt/
in allen Königreichen vnter der Sonne / keine of-
fentliche Kirche oder versammlung / da man dein
Wort öffentlich recht Prediget / die Sacrament
nach deiner einsetzung reichet / vnd dich ewigen
Vater in deinem Sohndem **DEUX** Christo
Ihesu / durch deinen heiligen Geist recht anruf-
fet/ohn was bey vns / vnd vnsern Glaubensver-
wandten ist/Vmb diese Kirche ist es jetzt zuthun.

Keyser noch Papsst wöllen sie nicht leiden
noch dulden / sondern gedenccken sie mit gewalt zu
tilgen/vnd an stat reiner Lehr/vnd rechtes Gottes
diensts/lügen vnd Abgötterey auffzurichten / sol-
chem grewlichem fürnemen wissen wir / das wir/
so viel vns möglich / vnser Untertanen vnd nach-
komen halben/zu wehren schuldig seind / Wagen
derhalben alles was wir haben vnd vermögen/
auff das ja der Gnadenschatz / dein liebes Wort
vnd heiliger Name bey vns bleibe/vnd auff vnser
nachkommen gereichen möge.

Darumb **DEUX**/du bist der rechte Rich-
ter vber die Leute/Richte mich in diesem fall/nach
meiner gerechtigkeit vnd vnschuld / den ihe weder
Keyser noch Papsst seines grewlichen fürnemens
fug hat.

A ij

Solas

So las nu der Gottlosen bosheit ein ende wer-
den / Sie haben lang gnug wider dein Wort ge-
mutwilliget / vnd fördere die Gerechten / so dein
Wort lieb vnd werd haben / Denn du gerechter
GOTT / prüfest Hertzen vnd Nieren / Du sihest
ins Hertz hinein / sie können mit iren glatten sanff-
ten Worten dich nicht deuschen noch triegen / wie
sie die Menschen deuschen.

Mein Schild ist Gott / Der den fromen Hert-
zen hilfft / Den tückischen aber / so ir arges Hertz
vnd mörderliche schalckheit künstlich bergen / ist er
feind.

Gott ist ein rechter Richter / Vnd ein Gott der
durch sein Wort teglich sich lest hören / vnd war-
net für vnd für / wo mans aber nicht annemē noch
sich bekeren wil / wie Keyser vnd Papsst jetzund
eine lange zeit / auff irem Mörderischen fürnemen be-
harren / wolan / mein Gott ist auch ein Krieger /
vnd hat auch seinen Darnisch / sein Schwerd ist
schon gewetzet / Vnd seinen Bogen gespannet /
vnd zieleet.

Er hat aber tödliche Geschoss auffgelegt /
vnd wo solche Pfeile treffen / mus ewiges verder-
ben folgen.

Sihe / Keyser vnd Papsst haben es böß im
sinn / vnd gehen mit Unglück schwanger / Aber sie
sollen ein Feil geben.

Sie haben beyde zusamen eine Gruben gegrä-
ben / vnd ausgefürt / sollen auch beyde inn solche
Gruben fallen / die sie haben gemacht.

Ir Unglück

Ir Unglück wird vber iren eygen Kopff kom-
men / Vnd jr Freuel auff iren Scheitel fallen.

Ich aber dancke dem **HEHN** vmb seiner
Gerechtigkeit willen / Vnd wil loben den Namen
des **HEHN** des Allerhöhesten.

Salomonis Gebet / iij. Reg. viij.


DER **HEHN** vnser Gott sey
mit vns / wie er gewesen ist mit all seinen Hei-
ligen / Er verlasse vns nicht / vnd ziehe die
Hand von vns nicht abe / das wir wandeln inn al-
len seinen wegen / sitten vnd rechtē / die er vns gebo-
ten hat / Durch Ihesum Christum vnsern lieben
HEHN / Amen.

HER **HEHN** Gott Himelischer Va-
ter / Wir bitten dich / du wöllest deinen Hei-
ligen Geist inn vnser Dertzen geben / vnd
vns inn deiner Gnade ewig erhalten / vnd inn aller
anfechtung gnedig behüten / vnd wöllst dem Tür-
cken / Papst / Keyser / vnd allen Feinden deines
Worts wehren / vnd dein arme Christen-
heit gnedig befrieden / Durch Ihesum
Christum vnsern **HEHN** /
AMEN.

QX 9/2030

(x220 (254))

nc





h. 20, 47
bet/dar
sen zc. Se
und

Se=
bach=
or Gott
n

V c
2030



Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

Inches

Centimetres

